

Jasna Duraković
Zastupnica SDP BiH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Ministarstvu obrazovanja, nauke i mladih KS

Sarajevo, 20.08.2020.godine

Zastupnička pitanja

Svjesna velikih izazova i problema u kojem se nalazi obrazovanje zbog pandemije, kao i problema s kojima se ministarstvo suočava kako se bliži početak nove školske godine, mogu reći da se slažem s odlukom ministra da će se nastava za učenike/ice od prvog do petog razreda osnovne škole odvijati u učionicama, međutim istovremeno dijelim i ljudsku i roditeljsku zabrinutost kako će sve to izgledati u ovim teškim uvjetima s krajnje alarmantnom epidemiološkom slikom u KS. Stoga molim ministra da mi u cjelosti odgovori na slijedeća pitanja, na koja tražim usmeni odgovor, zbog potreba roditelja, prosvjetnih radnika/ica i javnosti u KS.

1. S obzirom da smo u proteklih nekoliko dana mogli pročitati isključivo kroz medijske objave vrlo šture informacije o tom zamišljenom prijedlogu ministarstva i Vlade KS o načinu realizacije nastave za osnovne i srednje škole, možete li nam sada detaljno obrazložiti kako će sve to izgledati, s obzirom da imamo oprečne informacije da je predviđena realizacija nastave u učionici u jednoj sedmici pa potom online nastava u narednoj sedmici za učenike od prvog do petog razreda, pa da će se časovi tjelesnog odgoja odvijati isključivo online u osnovnim školama, (što i nema puno smisla s obzirom da sportski klubovi već par mjeseci rade normalno treninge za sve sportove u fiskulturnim salama s djecom istog uzrasta) i da obrazložite i druge vrlo konfuzne ideje i zamisli o realizaciji nastave?
2. S obzirom da će ovakav način rada sigurno iziskivati dodatne kadrove, tj. zaposlenje novog nastavnog osoblja kako bi se vodilo računa i o kvaliteti nastavnog procesa i o poštivanju osnovnih ljudskih prava da radni dan ne smije trajati više od osam sati, te da ni nastavnike/ice ne smijemo izrabljivati dodatkom radnih sati koji im neće biti dodatno plaćeni, da li će se zaposliti novi ljudi na ugovore o radu da pomognu u ovoj situaciji? To je dodatno opterećenje za budžet ali istovremeno idealno da se zaposle prosvjetni radnici koji su već godinama bez posla na birou rada.

Sarajevo, 20.8.2020.
Prof. dr. Jasna Duraković
Zastupnica SDP BiH

Sarajevo, 22.4.2020.
Prof. dr. Jasna Duraković